

# 卷七

書名 尚書註疏二十卷 (十三經註疏所收)  
 撰者 漢 孔安國 傳, 唐 陸德明 音義, 唐 孔穎達 疏  
 卷七  
 內容分類 經 書 唐  
 索書號 貴重-1  
 編號 A097700

彩色首頁1

東洋文化研究所漢籍目錄 編號: A097700

東洋文化研究所漢籍目錄所藏漢籍善本全文影像資料庫 索書號: 貴重-1

漢籍善本全文影像資料庫文本尚書註疏二十卷 (十三經註疏所收)

版權所有: 東京大學 東洋文化研究所

使用上的注意事項

## 尚書註疏卷第一

### 漢孔氏序

### 唐孔穎達疏

### 尚書序

叙釋文此孔氏所作述尚書起之特代并  
 為注之由故相承講之今依舊為音疏曰正義  
 非有名言既形以道生物尚名舉則凡諸  
 立名物有本形形從事著聖賢闡教事顯  
 物立名物有本形形從事著聖賢闡教事顯  
 隱羣心書而示法既書有法因號曰書後人  
 遠自於上世尚者上也言此上代以來之書  
 且言者意之聲書者言之記是故存言以  
 書以記言故易曰書不盡言之言不盡意是言  
 如也則書寫其言如其意情得展舒也又劉  
 云書者廢也以其言如其意情得展舒也又劉  
 籍皆是以獨稱書者以彼五經者非是



所究研京東院學化文方東

3038

No. ....

0 1 2 3 4 5 6 7 8 9 5

不 許 複

NOT TO BE REPRODUCED

東京大学東洋文化研究所



尚書註疏卷第七

尚書註疏卷第七

漢孔氏傳

唐孔穎達疏

甘誓第二 夏書

啓與有扈戰于甘之野作甘誓傳 夏啓嗣禹位伐有扈

之罪 夏同姓馬云姒姓之國為無道者案京兆鄠縣

即有扈之國也甘有扈地名馬云南郊地也其

水名今在鄠縣西誓馬云軍旅曰誓會同曰誥

啓與至其誓。正義曰夏王啓之時諸侯有扈氏叛  
王命率諸侯征之有扈氏發兵拒啓啓與戰于其地  
之野將執桀將十而誓戒之史叙其事作甘誓。○  
夏啓至之罪。正義曰孟子稱禹薦益於天七年禹

崩之後益壽啓於箕山之陰天下諸侯不歸益而歸啓曰啓之子也啓遂即天子位史記夏本紀稱啓立有扈氏不服故伐之蓋由自堯舜受禪相承啓獨見繼父以此不服故云夏啓嗣禹立伐有扈之罪言繼立者見其由嗣立故不服也

### 甘誓

甘有扈郊地名將戰先誓

**疏**

甘誓。正義曰發首二句

叙其誓之由其王曰已下皆是誓之辭也曲禮云約信曰誓將與敵戰恐其損敗與將士設約示賞罰之信也將戰而誓是誓之大者禮將祭而號令齊百官亦謂之誓周禮大宰云祀五帝則掌百官之誓戒鄭玄云誓戒要之以刑重失禮也明堂云所謂各揚其職百官廢職服大刑是誓辭之略也彼亦是約信但小於戰之誓馬融云軍旅曰誓會同曰誥誥誓俱是號令之辭意小異耳○甘有至先誓。正義曰地理志扶風郿縣古扈國夏啓所伐者也郿音同未

知何故敗也啓伐有扈必將至其國乃出兵與啓戰故以甘為有扈之郊地名馬融云甘有扈南郊地名計啓兩行伐之當在東郊融則扶風人或當知其處也將戰先誓誓是臨戰時也甘誓較誓費誓皆取誓地為名湯誓舉其王號泰誓不言武誓者皆史官不同故立名有異耳泰誓未戰而誓故別為之名泰誓自悔而誓非為戰誓自約其心故舉其國名

### 大戰于甘乃召六卿

**傳**

天子六軍其將皆命卿

○將子匠反

### 王曰嗟六事之人

**傳**

各有軍士故曰六事予誓台汝

### 有扈氏威侮五行怠棄三正

**傳**

五行之德王者相承

所取法有扈與夏同姓恃親而不恭是則威虐侮慢

五行怠惰棄廢天地人之正道言亂常

○侮亡甫反正如字徐音

征馬云建子建丑建寅三正也惰徒卧反天用勦絕其命用其失道故

勦截也截絕謂滅之勦子六反王篇子小反今予

惟恭行天之罰恭奉也言欲截絕之左不攻

于左汝不恭命左車左左方主射絕之也治其職

右不攻于右汝不恭命右車右勇力之士執戈矛

以退敵御非其馬之正汝不恭命御以正馬為政

三者有失皆不奉我命御魚用命賞于祖天子

親征必載遷廟之祖主行有功則賞祖主前示不專

弗用命戮于社天子親征又載社主謂之社事不

用命奔北者則戮之於社主前社主陰陰主殺親祖

嚴社之義戮音六北如字子則孥戮汝孥子也

非但止汝身孥及汝子言輒累也孥音奴

汝正義曰史官自先叙其事啓與有扈大戰于甘

之野將欲交戰乃召六卿令與衆士俱集王乃言曰

嗟重其事故嗟嘆而呼之汝六卿者各有軍事之人

我設要誓之言以勅告汝今有扈氏威虐侮慢五行

之盛德怠情棄發三才之正道上天用失道之故今

欲截絕其命天既如此故我今惟奉行天之威罰不

敢違天也我既奉天汝當奉我汝諸士衆在車左者

不理於車右之事是汝不奉我命御車者非其馬之

令馬進退違戾是汝不奉我命汝等若用我命我則

賞之於社主之前若不用我命則戮之於社主之前

所戮者非但止汝身而已我則并殺汝子以戮辱汝

汝等不可不用我命以求殺敵戒之使齊力戰也  
 天子至命卿。正義曰將戰而召六卿明是卿為  
 軍將天子六軍其將皆命卿周禮夏官序文也鄭玄  
 云夏亦然則三王同也經言大戰者鄭玄云天子之  
 兵故曰大孔無明說蓋以六軍並行威震多大故稱  
 大戰。○各至六事。正義曰卿為軍將故云乃  
 召六卿及其誓之來六卿而已鄭玄云變六卿言六  
 事之人者言軍吏下及士卒此下文戒左右與御是  
 徧勅在軍之士亦在其間六卿之辭。○五所部之  
 人各有軍事故六事之入為擗呼之辭。○五所部之  
 亂常。○正義曰五行水火金木土也分行四時各有  
 其德月令孟春三日太史謁於天子曰某日立春盛  
 德在木夏云盛德在火秋云盛德在金冬云盛德在  
 水此五行之德王者雖易姓相承其所取法同也言  
 王者共所取法而有夏氏獨侮慢之所以為大罪也  
 且五行在人為仁義禮智信威侮五行亦為侮慢此  
 五常而不可行也。○有夏與夏同姓待親而不恭天子  
 君臣之義失相親之恩五常之道盡矣是威侮五行

也無所畏忌作威虐而侮慢之故云威虐侮慢易  
 卦云立天之道曰陰與陽立地之道曰柔與剛立人  
 之道曰仁與義物之為大無大於此者周易謂之三  
 才人生天地之間莫不為大無大地而行事以此知  
 棄廢天地人之正道棄廢此道言亂常也孔馮鄭王  
 與皇甫謐等皆言有夏與夏同姓並依世本之文楚  
 語云昭王使觀射父傳太子射父辭之曰堯有不恭  
 舜有商均夏有觀扈周有管蔡是其恃親而不恭也  
 周語云帝嘉禹德賜姓曰姒禹始得姓有夏與夏同  
 姓則為啓之兄弟如此者蓋禹未賜姓之前以姒為  
 姓故禹之親屬舊已姓姒帝嘉其德又以姒姓顯揚  
 之猶若伯夷國語稱賜姓曰姜然伯夷是炎帝之後  
 未賜姓之前先為姜姓與此同也故天子用兵稱恭  
 天罰諸侯討有罪稱肅將王誅皆示有所稟承不敢  
 傳也。○有夏既有大罪宜其絕滅故原天之意言天  
 其失道之故故截絕其命謂滅之也。○正義曰歷是  
 故為截也。○左車至其職。○正義曰歷是言左及

自誓

御此三人在一車之上也故左為車左則右為車右  
明矣宣十二年左傳云楚許伯御樂伯為右以  
致師者右入壘折箴執俘而還左方主射右主擊  
刺而御居中用兵是戰之常事故略而不言所職者以戰  
主殺敵特言之互相明也此謂凡常兵車甲士三人所  
右將居鼓下在中央主擊鼓與軍人為節度成二年  
左傳說晉伐齊云晉解張御卻克鄭立緩為右鄧克  
傷於矢未絕鼓晉曰余病矣張侯曰自始合而矢貫  
余手及肘余折以御左輪朱啟豈敢言病卻克傷於  
矢而鼓音未絕張侯為御而血染左輪是御在左而  
將居中攻之為治常訓也治其職者左當射人右  
當擊刺是其所掌職事也○**禮**御以至我命○正義  
曰御以正馬為政言御之政事在正馬故馬不正  
則罪之詩云兩驂如手傳云進止如御者之手是為  
馬之正也左右與御三者有失言皆不奉我命以御

在後故摠解之○天子至不專○正義曰曾子問  
云孔子曰天子巡守以遷廟之主行載於齊車言必  
有尊也巡守尚然征伐必也故云天子親征必載遷  
廟之祖主行有功則賞祖主前示不專也周禮大司  
馬云若師不功則厭而奉主車鄭玄云厭伏冠也奉  
猶送也送主歸於廟與社亦是征伐載主之事也○  
**禮**天子至之義○正義曰定四年左傳云若以軍行  
被社釁穀祝奉以從是天子親征又載社主行也郊  
特牲云惟為社事單出里故以社事言之不用命奔  
北者則戮之於社主之前矣北謂背陳走也所以刑  
賞異處者社主陰陰主殺則社主陽陽主生禮左宗  
廟右社禋是祖陽而社陰統社統社統社統社統社  
之義也大功六罪則在軍賞罰其徧叙諸勳乃至太  
祖賞耳○**禮**擊子至取累也○正義曰詩云樂爾妻  
擊對妻別文是擊為子也非但止辱汝身弁及汝子  
亦殺言以恥惡累不相及今云擊  
戮汝權以辱之使勿犯此亦然也



五子之歌第三

夏書

太康失邦

啓子也盤于遊而不恤民事為羿所逐不

得反國昆弟五人須于洛汭作五子之歌

弟與其母待太康於洛水之北怨其不反故作歌

子名字書傳無聞仲康蓋其一也。于

馬云止也汭如銳反本又作內音同

曰啓子太康以遊畋葉民為羿所逐失其邦國其未

失國之前畋于洛水之表太康之弟更有昆弟五人

從太康畋獵與其母待太康于洛水之北太康為羿

所距不得反國其弟五人即啓之五子並怨太康各

自作歌史叙其事作五子之歌。昆弟嫌是太康之

五子之歌

啓之五子因以名篇

作歌之由先叙夫國之事其一日以下乃是歌

辭此五子作歌五章每章各走一人之作辭相

連按自為終始初言皇祖有訓未必則指怨太

康必是五子之歌相類從輕一至甚其一其二蓋

是昆弟之次或疑作歌之次不可知也。言

之至為篇。正義曰直言五子不知謂誰故言

啓之五子太康之弟也怨作歌不言五弟而

言五子者以其述祖之訓故繫父以言之

太康尸位以逸豫

尸主也主以尊位為逸豫不勤逸

本又作音諫本滅厥德黎民咸貳言喪其德則眾

又作音同黎力兮反乃盤遊無度

民皆二心矣。喪息浪反。盤樂遊逸

昆故云太康之五弟



五子之歌

無法度。盤步千反本或作敗于有洛之表十旬弗

反音田有窮后羿因民弗忍距于河音田有窮國名羿諸

侯名距太康於河不得入國遂廢之。胡細反距音巨

厥第五人御其母以從御侍也言從政御侍也言從政。

非後胡逖于洛之汭五子咸怨待太康怨其久敗矣國

啓反述大禹之戒以作歌述循也歌以叙怨

太康至作歌。正善曰天子之在天位職當牧養民

有二心太康乃復愛樂遊逸無有法度破備於各水

之表一出十旬不反有窮國君其名曰羿因民不能



堪忍太康之惡率衆距之干河不得反國太康初去

之時其弟五人侍其母以從太康太康敗于洛南五

弟待於洛北太康久而不反致使羿距于河五子皆

怨太康追述大禹之戒以作歌而各敘已怨之志也

其弟待母以從太康太康初去即然待於洛水之北

以冀太康速反羿既距之五子乃怨史述太康之惡

既盡然後言其作歌既距之五子乃怨史述太康之惡

作文之勢當然也。正義曰襄四年左傳曰夏之方衰

也。有窮至竊之。正義曰襄四年左傳曰夏之方衰

名窮是諸侯之國羿是其君之名也說文云羿帝嚳

射官也賈逵云羿之先祖世為先王射官故帝賜羿

弓矢使司射淮南子云堯時十日並生堯使羿射九

日而落之楚辭天問云羿焉彊日鳥解羽歸藏易亦

云羿彈十日說文云彈者射也此三者言雖不經以

取信要言帝嚳時有羿堯時亦有羿則羿是善射之

號非後人之名字信如彼言則不知羿名為何也夏

都河北洛在河南距太康於河北不得入國遂廢太

康耳羿猶立仲康不自立也。○述循至敘怨。○正

義曰述循釋詁文循其所戒用作歌以敘怨也其一

曰皇祖有訓其二曰訓有之是迷大禹之戒也其三

恨亡國都其四恨絕宗祀其五言追悔無及直是指

怨太康非為迷祖戒也本述戒作歌其一曰皇祖有

因即言及時事故言祖戒以總之

**訓民可近不可下** 皇君也君祖禹有訓戒近謂親

之下謂失分 近附近之分扶問反 **民惟邦本本固邦寧** 傳言

人君當固民以安國予視天下愚夫愚婦一能勝予

**傳**言能畏敬小民所以得衆心一人三失怨豈在明

**不見是圖** 傳三失過非一也不見是謀備其微 如字

又息暫反予臨兆民慍乎若朽索之馭六馬 傳十萬

見賢通反 五子之歌

曰億十億曰兆言多慍危貌朽腐也腐索馭六馬言

危懼甚 慍力甚反朽許久 **爲人上者奈何不敬** 傳

能敬則不驕在上不驕則高而不危 其一至不敬

君祖大禹有訓戒之事言民可親近不可卑賤輕下

令其失分則人懷怨則事上之心不固矣民惟邦國

之本本固則邦寧言在上不可使人怨也我視天下

之民愚夫愚婦一能過勝我安得不敬畏之也所以

畏其怨者一人之身三度有失凡所過失爲人所怨

豈在明著大過皆由小事而起言小事不防易致大

過故於不見細微之時當於是豫圖謀之使人不怨

也我臨兆民之上常畏人怨慍乎危懼若腐索之  
馭六馬索絕則馬逸言危懼之甚人之可畏如是爲  
民上者奈何不敬慎乎怨太康之甚人之可畏如是爲  
皇君至失分。正義曰皇君釋詁文述禹之戒知君  
祖是禹禹有訓也民可近者據君爲文近謂親近之

也下謂卑下輕忽之失本分也奪其農時勞以橫役  
是失分也故下云予視天下愚夫愚婦一能勝予是  
愚婦當能勝我身是畏敬小民也由能畏敬小民故  
以小民從命是得衆心也。三失至其微。○正義  
曰顧氏云怨豈在明未必皆在明著之時必於未形  
之日思善道以自防衛之是備慎其微也。○傳  
至懼甚。○正義曰古數十萬曰億十億曰兆言多也  
慄慄心懼之意故為危貌初厲常訓也厲索馭六馬  
索絕馬驚馬驚則逸言危懼甚也經傳之文惟此言  
六馬漢世此經不傳餘書多言駕四者春秋公羊說  
天子駕六毛詩說天子至大夫皆駕四許慎案王度  
記云天子駕六鄭玄以周禮校人養馬乘馬一師四  
圍四馬曰乘康王之誥云皆布乘黃朱以為天子駕  
四漢世天子駕六非常法也然則  
此言馬多懼深故舉六以言之

**作色荒外作禽荒** 傳 作為也迷亂曰荒色女色禽鳥

五子之歌

**獸** 左傳晉平公近女色過度惑以喪志老子云

騁田獵令人心發狂好色好田則精神迷亂

曰荒女有美色男子悅之經傳通謂女人為色獵則

禽獸並取故以 其酒嗜音峻宇彫牆 其嘗無厭足

峻高大彫飾畫 音戶其反音巾志反峻思峻

有一于此未或不亡 此六者棄德之君必有其一

陶唐帝堯氏都冀州統天下四方 陶唐至四方

云帝堯為陶唐氏韋昭云陶唐皆國名猶湯稱殷商

也案書傳皆言堯以唐侯升為天子不言封於陶唐  
陶唐二字或共為地之未必如昭言也以天子王有  
天下非獨冀州一方故以冀方為都冀州統天下四

製 複 許 不

NOT TO BE REPRODUCED

方堯都平陽舜都蒲坂禹都安邑相去不盈二百皆在冀州自堯以求其都不遠此地故舉陶唐以言之

今失厥道亂其紀綱乃底滅亡傳言失堯之道亂其

法制自致滅亡履反其四曰明明我祖萬邦之君

有典有則貽厥子孫傳君萬國為天子典謂經籍則

法貽遺也言仁及後世貽以之反關石和鈞王府

則有荒墜厥緒覆宗絕祀傳金鐵曰石供民器用通

之使和平則官民足言古制存而太康失其業以取

亡覆芳服其四至絕祀正義曰有明明之德

謂為天子也有治國之典有為君之法遺其後世之

子孫使法則之又關通衡石之用使之和平人既足

用王之府藏則皆有矣典存國富宜以為政今太康

荒廢墜失其業覆滅宗族斷絕祭祀言太康棄典法

所以滅宗祀也傳君萬至後世正義曰萬邦之

君謂君統萬國為天子也典謂先王之典可憑據而

行之故為經籍則法釋詁文典謂先王舊典法謂當

時所制其事不為大異重言以備文耳貽遺釋言文

以典法遺子孫言仁恩及後世傳金鐵至取亡正

正義曰關者通也名石而可通者惟衡量之器耳律

歷志云二十四錄為兩十六兩為斤三十斤為鈞四

鈞為石是石為稱之最重以石而稱則為重物故金

鐵曰石言絲絲止於斤兩金鐵乃至於石舉石而言

之意非謂所關通者惟金鐵耳粟則斗斛以量之

布帛則丈尺以度之惟言關通權衡則度量之物懋

遷有無亦關通矣一以言之耳衡石所稱之物以

供民之器用其土或有一無通使和平也論語云百

姓足君孰與不足民既足用則官亦富饒故通之使

和平則官民皆足有典有法可依而行官民足可坐

而守言古制存而太康失其業所以亡也訓緒為業  
費乏顧氏等意云通金鐵於人官不禁障民得取之  
以供器用器既具所以上下充足以金鐵皆從石而  
生則金鐵亦石之類也故漢書五行志云石為怪異  
入金不從革之條費其五曰嗚呼曷歸予懷之悲

顧之義亦得通也制反萬姓仇予予將疇依

怨也言當依誰以須國乎鬱陶乎予心顏厚有怛怛

**傳**鬱陶言哀思也顏厚色愧怛怛心慙慙愧於仁人

賢士鬱音蔚陶音桃鬱陶憂思也怛怛文弗慎厥德

雖悔可追傳言人君行已不慎其德以速滅敗雖欲

改悔其可追及乎言無益雖如字其五至可追

五子之歌

呼太康已覆滅矣我將何所依歸我以此故思之而  
悲太康為惡毒徧天下萬姓皆共仇我將誰依而  
乎鬱陶而哀思乎我之志也我以此故外貌顏厚而  
內情怛怛羞慙由太康不慎其德以致此見距雖欲  
改悔其可追及之乎事也往矣不可如何從首漸怨  
至此為深皆是拜距時也傳仇怨至國乎。正  
義曰桓二年左傳云怨曰仇故為怨也拜距於河  
不得復反乃思太康欲傳依之當依誰以復國乎  
○**傳**鬱陶至賢士。正義曰孟子稱舜象見舜云  
思君正鬱陶鬱陶精神憤結積聚之意故為哀思也  
詩云顏之厚矣羞慙之情見於面貌似如面皮厚然  
故以顏厚為色愧怛怛羞慙不能言心慙之狀小人  
足以知得失故慙  
愧於仁人賢士

胤征第四

夏書

義和洵淫廢時亂日傳義氏和氏世掌天地四時之官

自唐虞至三代世職不絕承太康之後沈湎於酒過

差非度廢天時亂甲乙○酒徐音緬面善反胤往征

之作胤征傳胤國之君受王命往征之○胤國名

胤征傳奉辭罰罪日征○義和至胤征。正義曰

時之官今乃沈湎于酒過差非度廢天時亂甲

乙不以其事作胤征。胤國之侯受王命往征之史

叙其事作胤征。胤國之侯受王命往征之史

氏和氏世掌天地四時之官堯典所言是其事

也義和是重黎之後楚語稱堯有重黎之後使

典天地以至於夏商是自唐虞至三代世職不

絕故此時義和仍掌時日以太康逸豫臣亦繼

弛此承太康之後於今仍亦懈惰沈湎于酒過

惟仲康肇位四海傳仲康命胤侯掌王六師為大

○肇胤侯命掌六師傳仲康命胤侯掌王六師為大

司馬義和廢厥職酒荒于厥邑傳舍其職官還其私

邑以酒迷亂不修其業○舍其職官還其私

往也就其私邑往討之○胤后承王命徂征傳徂

胤國之侯受王命為大司馬掌六師於是義氏和



王命往征之。○**傳**并廢至天子。正義曰以并距太  
 康於河於時必廢之也。夏本紀云太康崩弟仲康立  
 襄四年左傳云并因夏民以代夏政則并於其後纂  
 天子之位仲康不能殺并必是并擇其權知仲康之  
 立是并立之矣故云并廢太康而立其弟仲康為太  
 子計五子之政仲康當是其一仲康必賢於太康但  
 形勢既衰政由并耳并在夏世為一代大賊左傳稱  
 并既篡位寒浞殺之并滅夏后相相子少康始滅浞  
 復夏政計并浞相承向有百載為夏亂甚矣而夏本  
 紀云太康崩其弟仲康立仲康崩子相立相崩子少  
 康立都不言并浞之說疎矣。**告于衆曰嗟予有衆****傳**誓勅之  
 事是馬遷之說

**聖有謨訓明徵定保****傳**徵證保安也聖人所謀之教  
 訓為世明證所以定國安家先王克謹天戒臣人克

**有常憲****傳**言君能慎戒臣能奉有常法百官修輔厥

亂征

**后惟明明****傳**修職輔君君臣俱明**每歲孟春****適人以**

**木鐸徇于路****傳**適人宣令之官木鐸金鈴木舌所以

振文教。適在由又鐸待洛反鈴音令**官師相規工執藝事以諫****傳**

官衆衆官更相規闕百工各執其所治技藝以諫諫

失常。藝本又作藝更音庚技其綺反**其或不恭邦有常刑****傳**言百

官廢職服大刑。**傳**告于至常刑。正義曰胤侯將征

有之衆人聖人有謨之訓所以為世之明證可以定

國安家其所謀者言先王能謹慎敬畏天戒臣人者

能奉先王常法百官修職輔其君君臣相與如是  
 則君臣俱明惟為明君明臣言君當謹慎以畏天臣  
 當守職以輔君也先王恐其不然大開諫爭之路每  
 歲孟春適人之官以木鐸徇于道路以號令臣下使

歲孟春適人之官以木鐸徇于道路以號令臣下使



在官之衆更相規闕百工雖賤今執其藝能之事以  
諫上之失常其有違諫不恭謹者國家則有常刑括  
樂郤爲徵徵是證驗之義故爲證也能自保守是安  
定之義故爲安也聖人之言必有其驗故爲世之明證  
聖人之謨訓必有成功故所以定國安家○  
至常法○正義曰王者代天理官故稱天戒○  
主法令故言常憲君當奉天臣當奉君言君能戒人奉  
天戒也臣能奉有常法奉天臣當奉君言君能戒人奉  
百官修輔謂衆臣○  
木鐸徇於路是宣令之事故言宣令之官周禮無此  
官惟小宰云正歲帥理官之屬而觀治象之法徇以  
木鐸曰不用法者國有常刑宣令之事略與此同此  
似別置其官非如周之小宰名曰道人不知其意蓋  
訓適爲聚聚人而令之故以爲名也禮有金鐸木鐸  
鐸是鈴也其體以金爲之明舌有金木之異知木鐸  
是木舌也周禮教鼓人以金鐸通鼓大司馬教振旅

兩司馬執鐸明堂位云振木鐸於朝是武事振金鐸  
文事振木鐸今云木鐸故云所以振文教也○  
衆至失常○正義曰相規闕平等之辭故官衆謂衆  
官相規謂更相規闕平等有關已尚相規見上之過  
諫之必矣百工各執其所治技藝以諫謂被遣作器  
工有奢儉若月今云無作濫巧以蕩上心見其濫巧  
不正當執之以諫諫失常也百工之職猶今進諫則  
百官發職服大用明堂位文也顧氏云百官衆  
臣其有廢職懈怠不恭謹者國家當有常刑  
**義和顛覆厥德**顛覆言反倒將陳義和所犯故先  
舉孟春之令犯今之誅○  
商丁老反

沈亂于酒畔官

離次○沈謂醉冥失次位也○  
商丁老反

擾天紀遐棄厥司○  
傳淑始擾亂遐遠也紀謂時日司

所主也

○做本又作作亦作叔同尺六反擾而小反

乃季秋月朔辰弗集

于房

長日月所會房所舍之次集合也不合即日

會可知警奏鼓齋夫馳庶人走

凡日食天子伐鼓

於社責上公警樂官樂官進鼓則伐之齋夫主幣之

官馳取幣禮天神衆人走供救日食之百役也

音色

馳車馬曰馳走

義和尸厥官罔聞知

主其官而無

聞知於日食之變異所以罪重昏迷于天象以于先

王之誅

傳閻錯天象言昏亂之甚于犯也政典曰先

特者殺無赦

傳政典夏后為政之典籍若周官六卿

之治典先時謂曆象之法四時節氣弦望晦朔先天

一時則罪死無赦

先悉焉反又如字註先時

不及時

者殺無赦

傳不及謂曆象後天時雖治其官苟有先

後之差則無赦况廢官乎

後胡

雅惟時至無赦

尚有刑廢職懈怠是為大罪惟是義和顛倒其所奉上

之德而沈沒昏亂於酒違叛其所掌之官離其所居

位次始亂天之紀綱遠棄所主之事乃季秋九月之

朔日月當合於辰其日之辰日月不合於舍不得合


辰謂日被月食日有食之禮有救日之法於時替人

樂官進鼓而擊之齋夫馳騁而取幣以禮天神庶人

奔走世救日食之百役此為災異之大羣官促遽若


音

殺無赦不及時者殺無赦失前失後尚猶合殺况乎  
不知日食其罪不可赦也况彼罪之大言已所以征  
也。人當豎立令乃反。猶臣當事君令乃廢職似  
人之反。然言臣以事君為德。故言顛覆厥德。亂  
將陳義和之罪。故先舉孟春之令。犯令之誅。舉  
見重小事。犯令猶有常刑。况疾官離次。為大罪乎。  
所復知猶沈沈。然故謂醉。為沈沈。謂之沈沈。大  
正義曰。始遠皆釋。所以紀天時。此言天紀謂時  
範五紀。五曰曆數。曆數所司。紀天時。此言天紀謂時  
日此時日之事。是義和所司。言棄其所主。紀謂時  
至何謂辰對曰。日月之會。是謂辰。是辰為日月之會  
日月俱右行於天。日行遲。月行疾。日每行一度。月  
日行十三度。十九分度之七。計二十九日。過半月也。  
行天一周。又逐及日而與。日聚會謂此。聚會為辰。  
歲十二會。故為十二辰。即子丑寅卯之屬。是也。房



季之房也。故為所舍之次。計九月之朔。日月當會於  
大火之次。釋言云。集會也。會即合。故為合也。日月  
當聚會。共舍今言日月。不合於舍。則日月不可知也。  
日食者。月掩之也。月體掩。日日被月映。即不成共處。  
故以不集言。日食也。或以為房。謂房星九月日月會  
于大火之次。房心共為大火。言辰在房星。事有似矣。  
知不然者。以集是止舍之處。言其不集於舍。故得以  
表日食。若言不集於房星。似大遲。太疾。惟可見曆錯  
不得以表日食也。且日之所在。星宿不見。正可推算  
以知之。非能舉目見之。君子慎。疑寧當以日在之宿  
為文。以此知其必非房星也。凡日至百役。之宿  
義曰。文十五年左。傳云。日有食之。天子不舉。伐鼓于  
社。諸侯用幣于社。伐鼓于朝。社預以爲社祭。土而主陰  
群陰也。此傳言責上公者。郊特牲云。社祭土而主陰  
氣也。君南嚮。北牖。下答陰之義也。昭二十九。年左。傳  
食陰侵陽。故社預以爲責。群陰也。昭二十九。年左。傳  
云。封爲上公。祀爲貴神。社稷五祀。是尊是奉。是社祭  
句。龍爲上公之神也。日食。臣侵君之象。故傳以爲責。

上公亦當詳陰上公竝責之也周禮瞽矇之官掌作樂瞽為樂官樂官用無目之人以其無目於音聲審也詩云奏鼓簡簡謂伐鼓為奏鼓知樂官進鼓則伐之周禮太僕軍旅田役贊王鼓救日月亦如之鄭玄云王通鼓佐擊其餘則救日之時王或親鼓莊二既多皆樂人伐之周禮無齋夫之官禮云齋夫承命告于天子鄭玄云齋夫馳走有所取也左傳云諸侯無其文此云齋夫馳走有所取也左傳云諸侯用幣則天子亦當有用幣之處齋夫必是主幣之官馳取幣也社神尊於諸侯故諸侯用幣於社以請救天子伐鼓于社必不用幣知齋夫馳取幣禮天神庶人走蓋是庶人在官者謂諸侯胥徒也其走必有事知為供救日食之百役也曾子問云諸侯從天子救日食各以方色與其兵周禮庭氏云救日之弓矢是救日必有多役庶人走供之鄭注庭氏云以救日為太陽之弓救月為太陰之弓救日以枉矢救月以恒矢其鼓則蓋用祭天之雷鼓也昭十七年夏六月甲



戊朔日有食之左傳云季平子曰惟正月朔慝未作

日有食之於是乎有伐鼓用幣禮也其餘則否太史

曰在此月也當夏四月是謂孟夏如彼傳文惟夏四

月有伐鼓用幣禮餘月則不然此以九月日食亦奏

鼓用幣者顧氏云夏禮異於周禮也○禮政典至無

救○正義曰胤侯夏之卿士引政典而不言古典則

當時之書知是夏后為政之典籍也周禮太宰掌建

邦之六典以佐王治邦國一曰治典二曰教典三曰

禮典四曰政典五曰刑典六曰事典若周官六卿之

治典謂此也先時不及者謂此曆象之法四時節氣

弦望晦朔不得先時不得後天時四時時各九十

日有餘分為八節節各四十五日有餘也節氣者周

天三百六十五日四分日之一四時分之均分為十

二月則月各得三十日十六分日之七以初為節氣

半為中氣故一歲有二十四氣也計十二月每月二

十九日疆半也以月初為朔月盡為晦當月之中日

月相望故以月半為望望去晦朔皆不滿十五日也

又半此望去晦朔之數名之曰弦弦者言其月光正

半如弓發也晦者月盡無月言其闇也朔者蘇也言月死而更蘇也先天時者所名之日在天時之先假令天之正時當以甲子為朔今曆乃以癸亥為朔是造曆先天時也若以乙丑為朔是造曆後天時也後即是不及是也其氣望等皆亦如此今予以爾有衆奉將天罰傳將行也奉王命行王誅謂殺涵淫之身立其賢子弟爾衆士同力王室尚弼予欽承天子威命傳以天子威命督其士衆使用命火炎崑崙岡玉石俱焚傳山脊曰岡崑山出玉言火逸而害玉崑崙天吏逸德烈于猛火之害王猛火烈矣又烈於火嶽厥渠魁脅從罔治傳

穢滅渠大魁帥也指謂羲和罪人之身其脅從距王

師者皆無治穢子廉魁苦此反舊染汗俗咸與惟

新傳言其餘人又染汗俗本無惡心皆與更新一無

所問汗烏故反汗辱之汗又音嗚呼威克厥愛允

濟傳歎能以威勝所愛則必有成功愛克厥威允罔

功傳以愛勝威無以濟衆信無功其爾衆士懋戒哉

傳言當勉以用命戒以辟戮懋音茂今予以至戒

曰羲和所犯如上故今我用汝所有之衆奉王命行天子之命使我伐必克之又恐其威所及盪殺無辜故假喻以戒之火炎崑崙山之岡玉石俱被焚燒天王

之吏為過惡之德則酷烈甚於猛火宜誅惡存善不  
得濫殺滅其為惡大帥罪止義和之身其被迫脅而  
從距王師者皆無治責其罪久染汙穢之俗本無惡  
心皆與惟德更新一無所問又言將軍之法必有殺  
戮嗚呼重其事故歎而言之將軍威嚴能勝其愛心  
有罪者雖愛必誅信有成功若愛心勝其威嚴親愛  
者有罪不殺信無功矣言我雖愛汝有罪必殺其汝  
衆士宜勉力以戒慎哉勿違我命以取殺也○  
將行至子弟○正義曰將之為行常訓也天欲加罪王  
者順天之罰則王誅也奉王命行王誅謂殺淫涵之  
身義和之罪不及其嗣故知殺其身立其賢子弟楚  
語云重黎之後世掌天地四時之官至于夏商則此  
不滅其族故傳言此也○  
釋山云山春曰罔孫炎曰長山之春至害玉○正義曰  
言火逸害玉喻誅惡害善也○  
義曰逸即佚也佚是淫縱之名故為過也天王之吏  
言位貴而威高乘貴勢而逞毒心或毗睚而害良善  
故為過惡之德其傷害天下甚於火之害玉猛火為

烈甚矣又復烈之於火言其害之深也○  
無治○正義曰殲盡也釋詁文舍人曰殲衆之盡也  
衆皆死盡為滅也渠大魁帥無正訓以上殲厥渠魁  
謂滅其元首故以渠為大魁為帥史傳因此謂賊之  
首領為渠帥  
本原出於此

**自契至于成湯八遷**十四世凡八徙國都○契息列

祖八遷之書  
史唯見四  
**湯始居亳從先王居**契父帝嚳都亳

湯自商立遷焉故曰從先王居○亳旁各反徐扶

**帝告釐沃**告來居洽沃土二篇皆亡○告工毒反

徐烏酷反此五亡篇舊解是夏書  
馬鄭之徒以為商書兩義並通  
正義曰自此已

下皆商書也序本別卷與經不連孔以經序宜相附  
近引之各冠其篇首此篇經亡序存文無所託不可

以無經之序為卷之首本書在此故附此卷之末契  
 是商之始祖故遠本之自契至于成湯凡八遷都至  
 湯始往居亳從其先王帝嚳舊居當時湯有言告史  
 序其事作帝告釐沃二篇。十四至國都。正義  
 曰周語曰玄王勤商十四世而興玄王謂契也勤殖  
 功業十四世至湯而興為天子也殷本紀云契生昭  
 明昭明卒子相土立相土卒子昌若立昌若卒子曹  
 圍立曹圍卒子冥立冥卒子振立振卒子微立微卒  
 子報丁立報丁卒子報乙立報乙卒子報丙立報丙  
 卒子報丁立報丁卒子報乙立報乙卒子報丙立報丙  
 乙是為成湯是也契至成湯十四世凡八遷國都者  
 商頌云帝立子生商是契居商也世本云昭明居砥  
 石左傳稱相土居商及今湯居亳事見經傳者有  
 此四遷其餘四遷未詳聞也鄭玄云契本封商國在  
 太華之陽皇甫謐云今上洛商是也襄九年左傳云  
 陶唐氏之火正閼伯居商丘相土因之杜預云今梁  
 國睢陽宋都是也其砥石先儒無言不知所在自契  
 至湯諸侯之國四而得數遷都者蓋以時王命之使遷



至湯乃以商為天下號則都雖數遷商名不改今湯  
 遷亳乃作此篇若是諸侯遷都則不得史錄其事以  
 為商書之首又在湯征諸侯伊尹去亳之上是湯將  
 欲為王時事文以商有天下乃追錄初興并湯征與  
 汝鳩汝方皆是伐桀前事後追錄之也。契父至  
 王居。正義曰先王天子也自契已下皆是諸侯且  
 文稱契至湯今云從先王居者必從契之先世天子  
 所居也世本本紀皆云契是帝嚳子知先王是契父  
 帝嚳帝嚳本居亳今湯往從之嚳實帝也言先王者  
 對文論優劣則有皇與帝及王之別散文則雖皇與  
 帝皆得言王是其類也故禮運云昔者先王未有宮室乃謂  
 上皇為王是其類也故禮運云昔者先王未有宮室乃謂  
 居商丘其文見於左傳因之言自商立徙耳此言不  
 必然也何則相土契之孫也自契至湯凡八遷若相  
 土至湯都遂不改豈契至相土三世而七遷也相土  
 至湯必更遷都但不不知湯從何地而遷亳耳必不從  
 商丘遷也鄭玄云亳今河南偃師縣有湯亭漢書音  
 義臣瓚者云湯居亳今濟陰亳縣是也今亳有湯塚

書

二

音

已氏有伊尹塚杜預云梁國蒙縣北有亳城城中有成湯塚其西又有伊尹塚皇甫謐云孟子稱湯居亳與葛為隣葛伯不祀湯使亳眾為之耕葛即今梁國寧陵之葛鄉也若湯居偃師去寧陵八百餘里豈當使民為之耕乎亳今梁國穀熟縣是也諸說不同未知孰是。○**傳**告來至皆亡。○正義曰經文既亡其義難明孔以意言耳所言帝告不知告誰序言從先王居或當告帝讐也

**湯征諸侯** **傳**為夏方伯得專征伐葛伯不祀湯始征之

**傳**葛國伯爵也廢其土地山川及宗廟神祇皆不祀

湯始伐之伐始於葛。○**祇**巨。○**傳**葛國至於葛。○正義曰序言湯征諸侯

知其人是葛國之君伯爵直云不祀文無指斥王制云山川神祇有不舉者為不敬不敬者君削以地宗廟有不順者為不孝不孝者君黜以爵是言不祀必廢其土地山川之神祇及宗廟皆不祀故湯始征之

湯代諸侯伐始於葛仲虺之誥云初征自葛是也。○**傳**云湯居亳與葛為隣葛伯不祀湯使人問之曰何為不祀曰無以供犧牲也湯使遺之牛羊葛伯食之又不祀湯又使人問之曰何為不祀曰無以供粢盛也湯使亳往為之耕若弱饋食葛伯率其人粟其酒食黍稻者劫而奪之不饗者殺之有童子以黍肉餉殺而奪之書曰葛伯仇餉此之謂也是說伐始於葛之事也。○**傳**作湯征述始征之義也亡

**伊尹去亳適夏** **傳**伊尹字氏湯進於桀 **傳**伊尹至於

伊氏尹字故云字氏倒文以視人也伊尹不得叛湯

知湯貢之於桀必貢之者湯欲以誠輔桀冀其用賢

伊尹使輔之孫武與書夏間篇曰商之興也伊尹在夏周之興也呂牙在殷言既醜有夏復歸于亳 **傳**醜

使之為夏間也與此說殊



惡其政不能用賢故退還

○復扶又反

入自北門乃遇汝

鳩汝方

**傳**

鳩方三人湯之賢臣不期而會曰遇

**疏**

方至曰遇○正義曰伊尹與之言知是賢臣也作汝鳩汝

**方傳**

言所以醜夏而還之意三篇皆亡

尚書註疏卷第七





所  
圖  
書

不 許 複 製

NOT TO BE REPRODUCED

東京大学東洋文化研究所